

তোমায় গান শোনাব তাই তো আমায় জাগিয়ে রাখ
 ওগো ঘুম-ভাঙানিয়া
 বুকে চমক দিয়ে তাই তো ডাক'
 ওগো দুখজাগানিয়া ॥
 এল আঁধার ঘিরে, পাখি এল নীড়ে,
 তরী এল তীরে
 শুধু আমার হিয়া বিরাম পায় নাকো
 ওগো দুখজাগানিয়া ॥
 আমার কাজের মাঝে মাঝে
 কান্নাধারার দোলা তুমি থামতে দিলে না যে ।
 আমার পরশ ক'রে প্রাণ সুধায় ভ'রে
 তুমি যাও যে সরে—
 বুঝি আমার ব্যথার আড়ালেতে দাঁড়িয়ে থাক
 ওগো দুখজাগানিয়া ॥

Parjaay: Prem, Taal: Dadra, Raag: Pilu

Visit www.geetabitan.com for notation and other detail